

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 743 400, Fax: 00387 35 743 433, e-mail: opcina.banovici@bih.net.ba, Web: www.opcina-banovici.com.ba

Broj: 01-05- 675/16
Banovići, 13.05. 2016. godine

Na osnovu člana 15. Zakona o principima lokalne samouprave Federacije Bosne i Hercegovine ("Službene novine Federacije Bosne i Hercegovine, broj 49/06), člana 42. Statuta općine Banovići ("Službeni glasnik općine Banovići" broj: 3/08), odredbi Uputstva o načinu dodjele pomoći, odabira korisnika i realizaciji projekta za stambeno zbrinjavanje Roma u Bosni i Hercegovini, Ministarstva za ljudska prava i izbjeglice BiH, – Prečišćeni tekst broj: 01-39-2937-1/13 od 14.01.2014. godine i Ugovora o realizaciji projekta "Podrška socijalnom uključenju ranjivih Romskih porodica u područjima pogođenim poplavama putem obezbjeđenja stambenih jedinica i socio – ekonomskih mjera sa aktivnim učešćem državnih i lokalnih vlasti kao drugih interesnih grupa" broj: 01-05-1683/15 od 28. 12. 2015. godine, Načelnik općine, objavljuje

JAVNI POZIV

za podnošenje prijava za dodjelu socijalnih stanova na korištenje za romske porodice sa prebivalištem na teritoriji općine Banovići po projektu „Roma Action (RA) – Podrška socijalnom uključenju ranjivih Romskih porodica u područjima pogođenim poplavama putem obezbjeđenja stambenih jedinica i socio – ekonomskih mjera sa aktivnim učešćem državnih i lokalnih vlasti kao drugih interesnih grupa “

I - OPĆE ODREDBE

Pomoć za stambeno zbrinjavanje Roma dodjeljuje se u okviru implementacije projekta "Roma Action (RA) -Podrška socijalnom uključenju ranjivih Romskih porodica u područjima pogođenim poplavama putem obezbjeđenja stambenih jedinica i socio – ekonomskih mjera sa aktivnim učešćem državnih i lokalnih vlasti kao drugih interesnih grupa “.

Cilj Projekta podrška implementaciji Akcionog plana Bosne i Hercegovine za rješavanje problema Roma u oblasti stambenog zbrinjavanja putem izgradnje i obnove stambenih jedinica za socijalno najugroženije porodice s ciljem socio-ekonomskog uključenja romske populacije u BiH.

U općini Banovići projekat će se realizovati putem obezbjeđenja stambenih jedinica po modelu socijalnog stanovanja, radi obezbjeđenja uslova života za ukupno 8 socijalno najugroženijih domicilnih romskih porodica.

Vlasnik izgrađenih objekata socijalnog stanovanja i stambenih jedinica u njima je općina Banovići, a korisnici projekta dobivaju pravo korištenja stambenih jedinica pod uslovima definisanim posebnim ugovorima koji će se zaključiti između općine Banovići i korisnika stambenih jedinica.

II - KORISNICI PROJEKTA

Pravo na stambeno zbrinjavanje imaju pripadnici Romske nacionalne manjine, koji imaju prebivalište na području općine Banovići i nemaju riješeno stambeno pitanje, koji su beskućnici i/ili se nalaze u potrebi za stambenim zbrinjavanjem, i/ili žive u neuslovnim stambenim jedinicama i poznati su Općini i/ili Centru za socijalni rad Banovići.

Beskućnik je osoba koja nema mjesto stanovanja niti sredstava kojima bi mogla namiriti potrebu stanovanja te je privremeno smještena u prihvatilištu, ili boravi na javnim ili drugim mjestima koja nisu namijenjena za stanovanje.

Prijavu za dodjelu pomoći mogu podnositi nosioci romskog domaćinstava i/ili njen punoljetni član koji:

- nisu ranije koristili pomoć za izgradnju, rekonstrukciju ili sanaciju stambene jedinice dovoljnu za dovođenje stambene jedinice u minimum stambenih uslova,
- koji nisu korisnici socijalnog stana koji ispunjava minimum uslova u skladu sa Standardima za obnovu i izgradnju,
- koji nemaju stambenu jedinicu na teritoriji Bosne i Hercegovine uslovnu za stanovanje
- čija stambena jedinica nije uslovna za stanovanje tj. nema minimum stambenih uslova u skladu sa Standardima za obnovu i izgradnju
- koji imaju prebivalište na području općine Banovići

Pomoć se može dodijeliti romskoj porodici (u daljem tekstu korisniku) uz ispunjavanje osnovnih i posebnih kriterija.

OSNOVNI KRITERIJI – POTREBNA DOKUMENTACIJA

1. Broj članova i starosna dob članova zajedničkog domaćinstva

Dokaz:

- Ovjerena izjava o zajedničkom domaćinstvu (Kućna lista – Općina Banovići);
- PBA 3 obrasci za sve osobe sa kućne liste, ne stariji od 6 mjeseci (Policijska stanica Banovići)
- Ovjerena fotokopija lične karte za punoljetne članove;
- Izvod iz Matične knjige rođenih za maloljetne članove zajedničkog domaćinstva, ne stariji od 6 mjeseci (Matični ured)

2. Dužina boravka u mjestu prebivališta:

- Mjesto prebivališta do 1992. godine
- Mjesto prebivališta od 1992. do 2002. godine
- Mjesto prebivališta nakon 2002. godine

Dokaz:

Uvjerenje o kretanju samo za podnosioca zahtjeva, ne starije od 6 mjeseci (Policijska stanica Banovići)

3. Zdravstveni status korisnika i članova njegovog domaćinstva

A) Osobe sa tjelesnim i/ili mentalnim invaliditetom/onesposobljenjem i civilna žrtva rata

Dokaz:

Rješenje ili uvjerenje nadležnog organa ne starije od 6 mjeseci

B) Zdravstveno stanje (hronična oboljenja)

Dokaz:

Medicinski nalaz specijaliste ne starije od 6 mjeseci ili nalaz nadležne Komisije

4. Pripadnost ranjivim skupinama u stanju socijalne potrebe za podnosioca ili članove zajedničkog domaćinstva

- A) Korisnici socijalnih davanja kao i šehidske porodice, porodice poginulih boraca, nestalih osoba, bivših logoraša)
- B) Samohrani roditelji i staratelji ili hraniteljske porodice
- C) Nezaposlene osobe
- D) Penzioneri

Dokaz:

- A) Rješenje ili Uvjerenje Centra za socijalni rad ili nadležne Službe boračko - invalidske zaštite, Instituta za nestale osobe i druge nadležne institucije ne starije od 6 mjeseci
- B) Uvjerenje centra za socijalni rad
- C) Uvjerenje Službe za zapošljavanje Biro Banovići ili uvjerenje Porezne uprave o radnopravnom statusu
- D) Poslednji ček od penzije

5. Obrazovni status podnosioca zahtjeva i članova zajedničkog domaćinstva

Dokaz:

Ovjerene fotokopije diplome o završenoj školi i/ili uvjerenje školske ustanove o pohađanju nastave.

POSEBNI KRITERIJI - POTREBNA DOKUMENTACIJA

Stambeni status potencijalnih korisnika pomoći obavezno se provjerava na licu mjesta uvidom u stvarnu situaciju na terenu (zapisnik sa terena), te im se dodjeljuju bodovi po utvrđenim kriterijima po težini stambene situacije kako slijedi:

U svrhu dodjele stambene jedinice za socijalno stanovanje, potencijalni korisnik pomoći ostvaruje do 80 bodova i to kada je:

- Beskućnik.....80 bodova
- U improviziranim naseljima, objektima i smještajima.....40 bodova
- U kolektivnim oblicima zbrinjavanja.....30 bodova
- U barakama.....20 bodova
- U alternativnom smještaju, uključujući i podstanare i korisnike koji žive u zajedničkom domaćinstvu sa roditeljima i/ili rođacima.....10 bodova.

Ostali potrebni dokumenti:

1. Ovjerena izjava da korisnik nije ranije koristio pomoć za izgradnju i rekonstrukciju stambenih jedinica dovoljnu za dovođenje stambenih jedinica u minimum stambenih uslova.
2. Ovjerena izjava da podnosilac zahtjeva ili član njegovog zajedničkog domaćinstva nema stambenu jedinicu uslovnu za stanovanje na teritoriji BiH
3. Potvrdu katastra nekretnina općine Banovići i zemljišno knjižnog ureda općinskog suda u Banovićima da podnosilac zahtjeva nema imovinu na području općine Banovići,
4. Ovjerena izjava da je podnosilac prijave upoznat i saglasan da je "Vlasnik izgrađenih objekata socijalnog stanovanja i stambenih jedinica u njima je općina Banovići, a da korisnik projekta ukoliko bude odabran dobiva pravo korištenja stambene jedinice pod uslovima definisanim posebnim ugovorom koji će se zaključiti između općine Banovići i korisnika stambene jedinica".

III - PROCEDURA ODABIRA KORISNIKA

Odabir i bodovanje korisnika će se izvršiti na osnovu Uputstva o načinu dodjele pomoći, odabira korisnika i realizaciji projekata za stambeno zbrinjavanje Roma u BiH – Prečišćeni tekst Ministarstva za ljudska prava i izbjeglice BiH broj: 01-39-2937-1/13 od 14.01.2014. godine I Kriterija za bodovanje korisnika pomoći za stambeno zbrinjavanje Roma u BiH.

Odabir i bodovanje korisnika izvršit će Komisija za odabir korisnika pomoći za stambeno zbrinjavanje Roma imenovana rješenjem Opštinskog načelnika.

Nakon provedene procedure odabire i bodovanja korisnika formirat će se preliminarna rang lista korisnika

Predstavnici Ministarstva za ljudska prava i izbjeglice BiH učestvuju u radu Komisije u svojstvu posmatrača.

Ukoliko se po Javnom pozivu ne prijavi dovoljan broj aplikanata , CSR može predložiti najugroženije romske porodice sa svoje liste.

IV - OBJAVLJIVANJE RANG LISTE

Rang lista bit će objavljena na oglasnim pločama: općine Banovići, JU Centar za socijalni rad Banovići i internet stranici www.opcina-banovici.com.ba

V – ROK I NAČIN PRIJAVE

Javni poziv ostaje otvoren 20 dana od dana objavljivanja u dnevnom listu Faktor.

Prijave na propisanom obrascu mogu se preuzeti na info-pultu Centra za pružanje usluga građanima općine Banovići, u prostorijama JU "Centar za socijalni rad" Banovići i na internet stranici www.opcina-banovici.com.ba

Prijave sa dokazima o ispunjavanju svih općih i posebnih kriterija dostaviti Komisiji, putem Centra za pružanje usluga građanima (Šalter sala) općine Banovići, u zatvorenoj koverti, ili poštom na adresu

OPĆINA BANOVIĆI
ALIJE DOSTOVIĆA BROJ 1. BANOVIĆI
KOMISIJA ZA ODABIR KORISNIKA
sa naznakom

JAVNI POZIV
ZA ODABIR KORISNIKA ZA DODJELU SOCIJALNIH STANOVA NA KORIŠTENJE ZA ROMSKE
PORODICE SA PREBIVALIŠTEM NA TERITORIJI OPĆINE BANOVIĆI - 2016.
NE OTVARAJ

Neblagovremene prijave neće biti uzete u razmatranje.

OPĆINSKI NAČELNIK

Midhat Husić s.r.